



29. november 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit nalunaarasuartaateqarnermut tunngasut pillugit imaatigut kabeli ilanngullugu:

1. Qanoq naliliisoqartarpa aamma tunngaviit suut atorneqartarpat paasiniarlugu ilumut sunaluunniit "atuinerup ineriertorneranut ikorfiisussatut pisariaqarnersoq" takuuk issuaaneq apeqqut 2-miuttoq?

a. Naalakkersuisut nassuiarsinnaanerlugu Tele Postsimi siulersuisut, Tele Postimi pisortat Naalakkersuisulluunniit naliliisussaatitaanersut paasiniarlugu atuinerup ineriertorneranut ikorfiisussatut suna pisariaqarnersoq.

2. Naalakkersuisut uppernarsarpaat imaatigut kabelimi sakkortussuseq atorneqanngitsoortussaq annertussuseqarmat 99 %-nik. Taavalu imaatigut kabelimik pilersitsinermi aningaasartuutit qaffasissut aningaasaliissutilu eqqarsaatigissagaanni Naalakkersuisut iluarismaarnerlugu imaluunniit iluarismaannginnerlugu, taamaallaat imaatigut kabelip sakkortussusaata 1 %-iinna atorneqassammat?

a. Naalakkersuisut isumaqassappata iluarismaarnartoq taava qanoq iliorluni akileraartartut aningaasaataannik atuipilunneq innuttaasunut naapertuuttutut oqariartutigineqarniarpa?

b. Naalakkersuisut isumaqarpata inuaqatigiit aningaasaliinerat annertooq tunngavigalugu namminersorlutik oqartussat ingerlatseqatigiiffiata siuarsasinnaannginnera iluarismaarnanngitsoq, taava tamanna Tele Postip siulersuisuinut qanoq kinguneqassava?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Demokraatit Inatsisartuni gruppiata apeqqummut nummer 2017-246-mut akissutisiaat tupaallaatigaarput.

Naalakkersuisut apeqqutigut paasisinnaarpasinngilaat, Inatsisartuni gruppimit tamarmit apeqqutigineqarmata aamma amerlammata.

Inussiarnersuungattali Naalakkersuisut ikiukuttoorsinnaavagut. Taamaattumik matumuuna Inatsisartunut ilaasortaq Randi Vestergaard Evaldsen kisimiilluni apeqqutit saqqummiutissavai kiisalu aamma apeqqutigut immikkoortitaarlugit saqqummiutissavagut. Taamatut ilioratta neriuuprugut Naalakkersuisut paasisinninnissaannut ikorsimassallutigit.

Taamaasilluta neriuuprugut Naalakkersuisut pisussaaffitsik naapertorlugu apeqqutigut akisinnaajumaaraat.



DEMOKRAATIT
DEMOKRATERNE

Ataani takuneqarsinnaapput apeqqummut 2017-246-mut tunngavilersuutigut:

Demokraatini tigunikuuarput Naalakkersuisut apeqqutitsinnut nr. 227-mut akissutaat ilaatigut tunngasoq imaatigut kabelip "Greenland Connect"ip piginnaassusaanut.

Naalakkersuisut akissutaat apeqqutinik arlalinnik qaffatsitsipput ilaatigut Naalakkersuisut akissutaanni paassisutissat eqqortut amingataammata.

Taamaattumik Naalakkersuisut qinnuigisariaqalersimavagut apeqqutit qulaaniittut akeqqullugit tamatumalu saniatigut innersuussutigissuagut apeqqutitsinnut normu 2017/227-mut tunngavilersuutigisimasagut.

Apeqqutit akeqquagut ullut suliffit naliginnaasut qulit iluanni.